

Zeitschrift: Le nouveau conteur vaudois et romand
Band: 82 (1955)
Heft: 7

Artikel: Lo menistre prépâre son prîdzo...
Autor: Roullier, A.
DOI: <https://doi.org/10.5169/seals-229485>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 27.03.2026

ETH-Bibliothek Zürich, E-Periodica, <https://www.e-periodica.ch>



La page vaudoise

Lo menistre prépâre son prîdzo...

Ao curti, chetâ su son ban,
Dè nai vetu, tsapî dè paillè,
Monsu lo menistre travaillè
Son prîdzo po lo leindéman.

Sa tîta blliantse s'è cllennâie :
Rumine on momeint, sein budzî,
Su lo texte que vâo prêdzî...
On merlo trottè dein l'allâie.

Mâ ne sé pas ccin que l'ai ia :
Cllia matenâ dè mé se balla
A verî prâo su la cervalla
Ao menistre, que s'è lévâ :

De cé, de lé, le va, s'arrîte
Désô lo teliot que cheint bon :
L'acutè la dâoça tsanson
De sè z'avelhiè tot ein fîte :

Vouâtè se sè pai l'an bin crè,
Se lè favioulè sant lévâie...
Lo merlo trotte dein l'allâie...
Coumein po lai dere : E-tou prêt ?

Et lo menistre sè rechîtè,
Avoué on papai à la man...
« Que faut-te lâo dere déman ? »
Que fâ ein sè gratteint la tîta.

L'a sa biblia découté lhi.
L'aôvre et notè quoquiè passâdzo :
Le va s'eincoradzî, sti iâdzo,
Ein mettre on coup, tot accouâtî...

Mâ, dai dzo, lo diablo coumando :
Faut-te pas que noutr' assesseu
Passe : « Vo z'ai bin dâo bounheu
Dè vo reposâ lo dessando ! »

Adan, lo menistre, capot,
A la cure fâ sa reintrâie...
Et noutron merlo dè l'allâie
Subllie âo fin coutset dâo teliot !

La demeindze, à clliâo dâo velâdzo,
Lo menistre lâo z'a prêdzî
On sermon que noutron mothî
Avai dza oïu quoquiè iâdzo...

A. Roullier.

Un voleur volé

Lai avait on iazo, oh lai ya de cè bin
dè zannaye, din on veladzo proutze dè
tsi no, on sindaco dè pétitè taille, brav'
ommo, mâ qu'on appelâvè « Quintal-
lait », dô fè que n'avè djamé pu dé-
passa lè cinquantè kilo o bin lè cent
livres kemet on desè adan. Ci sindaco
avè por vesin on hommo que sè mo-
quâvè de li dao fait dè sa pétitè taille
et dé son pèsantio. Au tin dè récot, lou
sindico s'aperchut a maintè reprizè
qu'on lai robâvè dè tsiron dè récot dère
sa maison. Ono né sè catsi désô iun tsi-
ron. Lou voleu (lârro) a réussa dè prè-
dre lou tsiron avoué lou sindaco dedè.
Lou voleu in volien sè tsardzî lou fiora
ne pu sè gravâ dè dere :

— Diantrou, sti récot lè terribliamè
lor çta né, ie pèse bin cent kilo !

Lou sindaco kemincè a sè débattrè et
chaille frou et die au voleu que re-
connié por son vesin :

— Bogrou dè voleu, te ne vo pas mé
dere que ie su on quintalè, té passerî
devant lo dzuzou...

A.-L. Crisinel.